

Broj: 04-11-725-3 /22  
Goražde, 06.05.2022. godine

Na osnovu Odluke Vlade Bosansko-podrinjskog kantona Goražde o davanju saglasnosti na Program utroška sredstava „Program ruralnog razvoja za 2022. godinu“, broj: 03-11-720/22 od 28.04.2022. godine, utvrđen u budžetu Bosansko-podrinjskog kantona Goražde za 2022. godinu, Ministarstvo za privredu Bosansko-podrinjskog kantona Goražde, **o b j a v l j u j e**:

**JAVNI POZIV  
za podnošenje projekata i zahtjeva za korištenje sredstava po  
Programu ruralnog razvoja za 2022. godinu**

Pravo učešća putem zahtjeva po ovom Javnom pozivu u okviru prvog posebnog cilja prve komponente Programa tj. Podsticanje konkurentnosti ruralnog područja - investicije u poljoprivredna gazdinstva, imaju fizička lica sa područja Bosansko-podrinjskog kantona Goražde i to za slijedeću aktivnost:

- **nabavka poljoprivredne opreme.**

Pravo učešća putem projekata po ovom Javnom pozivu u okviru prvog posebnog cilja druge komponente Programa tj. Podsticanje konkurentnosti ruralnog područja - ruralna infrastruktura, imaju jedinice lokalne samouprave sa područja Bosansko-podrinjskog kantona Goražde i to za slijedeće aktivnosti:

- **sanacija nekategorisanih puteva koji povezuju naseljena mjesta, dijelove naseljenog mjesta u ruralnim područjima, te pristupnih puteva do poljoprivrednih površina i gazdinstava ne uključujući asfaltiranje,**
- **sufinansiranje izgradnje ili zamjene ulične rasvjete, elektro mreže, vodovodne ili kanalizacione infrastrukture u ruralnom području.**

Pravo učešća putem projekata po ovom Javnom pozivu u okviru drugog posebnog cilja prve komponente Programa tj. zaštita okoline u ruralnom području - očuvanje autohtonih životinjskih vrsta imaju neprofitne organizacije sa područja Bosansko-podrinjskog kantona Goražde i to za slijedeće aktivnosti:

- **poribljavanje rijeka na području kantona i obnova zečije divljači u lovištima kantona.**

Opšti uslovi za učestvovanje aplikantata u Programu su:

- Da su upisani u registar poljoprivrednih gazdinstava, odnosno registar klijanata u skladu sa Zakonom o poljoprivredi,
- Da imaju proizvodnju na području Bosansko-podrinjskog kantona Goražde ili da krajnji korisnici projekta imaju poljoprivrednu proizvodnju na području Bosansko-podrinjskog kantona Goražde i da se projekti realizuju na području Bosansko-podrinjskog kantona Goražde,

- Da imaju registraciju na području Bosansko-podrinjskog kantona Goražde.

Posebni uslovi za učestvovanje aplikantata u Programu su:

- Da su namjenski utrošili sredstva odobrena od strane Vlade Bosansko-podrinjskog kantona Goražde u periodu od protekle tri godine, ukoliko im je takva pomoć dodjeljena,
- Da nisu koristili novčana sredstva za iste namjene u periodu od protekle tri godine iz sredstava ovog programa,
- Da su neprofitne organizacije registrovane najmanje jednu godinu dana od dana podnošenja aplikacije za učestvovanje u programu,
- Da nisu koristili novčana sredstva po Programu ruralnog razvoja za 2021. godinu (odnosi se na fizička lica),
- Da nemaju neizmirenih obaveza za poreze i doprinose osim obaveza koje su obuhvaćene ugovorom o reprogramiranju obaveza (izuzimajući indirektno poreze),
- **Korisnici koji nisu ispoštovali ugovorene obaveze (nisu namjenski utrošili doznačena sredstva, nisu dostavili izvještaje o namjenskom utrošku sredstava u skladu sa potpisanim Ugovorom) ne mogu aplicirati po ovom programu u naredne tri godine, kao i odgovorno lice iz takvog pravnog subjekta u bilo kojem drugom pravnom subjektu,**
- **Korisnici koji imaju duga po osnovu javnih prihoda po bilo kom osnovu ne mogu aplicirati po ovom Programu.**

Minimalni i maksimalni iznos sredstava koji može biti zatražen za sufinansiranje projekata ruralne infrastrukture kreće se u rasponu od 1.000,00 KM do 5.000,00 KM.

Minimalni i maksimalni iznos sredstava koji može biti zatražen za sufinansiranje projekata koji se odnose na očuvanje autohtonih životinjskih vrsta kreće se u rasponu od 1.000,00 KM do 4.000,00 KM.

Minimalni i maksimalni iznos sredstava koji može biti zatražen za sufinansiranje zahtjeva koji se odnose na investicije u poljoprivredna gazdinstva kreće se u rasponu od 500,00 KM do 1.000,00 KM.

Jedinice lokalne samouprave mogu dostaviti maksimalno dva prijedloga projekta, neprofitne organizacije mogu dostaviti samo jedan prijedlog projekta, a fizička lica mogu dostaviti samo jedan prijedlog zahtjeva.

Aplikanti koji apliciraju sa projektima dužni su osigurati vlastito učešće u sufinansiranju projekta u iznosu minimalno 20 % od ukupne vrijednosti projekta, a aplikanti koji apliciraju sa zahtjevima u iznosu minimalno 15 % od ukupne vrijednosti zahtjeva.

Uz prijedlog projekata jedinice lokalne samouprave i neprofitne organizacije dostavljaju u originalu ili ovjerenoj kopiji slijedeću dokumentaciju:

- Potvrda o upisu u Registar poljoprivrednih gazdinstava i klijenata,
- Dokaz o registraciji pravnog subjekta na području Bosansko-podrinjskog kantona Goražde od nadležnog organa,
- Uvjerenje o poreznoj registraciji-identifikacioni broj,
- Potvrda od banke o otvorenom žiro računu aplikanta,
- Uvjerenje o izmirenim poreskim obavezama na dan izdavanja uvjerenja izdato u 2022. godini (izuzimajući indirektno poreze),
- Uvjerenje o izmirenim porezima i doprinosima za zaposlenike na dan izdavanja uvjerenja izdato u 2022. godini (ukoliko nema zaposlenih dostavlja ovjerenu izjavu da nema uposlenih i neizmirenih obaveza),

- Bilans stanja i bilans uspjeha ovjeren od strane nadležne poreske uprave za prethodnu godinu (dostavljaju samo neprofitne organizacije),
- Narativni finansijski izvještaj za predhodnu godinu (dostavljaju samo neprofitne organizacije).

Uz prijedlog zahtjeva fizička lica dostavljaju u originalu ili ovjerenoj kopiji slijedeću dokumentaciju:

- Potvrda o upisu u Registar poljoprivrednih gazdinstava i klijenata,
- Uvjerenje o izmirenim poreskim obavezama na dan izdavanja uvjerenja izdato u 2022 godini (izuzimajući indirektno poreze),
- Potvrda od banke o otvorenom žiro računu aplikanta.

Aplikaciona forma zahtjeva i projekata objavljena je na Web stranici Vlade BPK-a Goražde.

Aplikacija mora biti elektronski popunjena. Aplikacije pisane rukom će biti automatski odbijene.

Prijedlozi zahtjeva i projekata dostavljaju se Ministarstvu za privredu Bosansko-podrinjskog kantona Goražde do 27.05.2022. godine do 16.00 sati na slijedeću adresu:

**Ministarstvo za privredu  
Bosansko – podrinjski kanton Goražde  
ul. Maršala Tita br. 5  
Goražde**

Sa naznakom:

**«NE OTVARAJ –PRIJAVA NA JAVNI POZIV ZA  
KORIŠTENJE SREDSTAVA PO PROGRAMU RURALNOG RAZVOJA  
ZA 2022. GODINU»**

Detaljne informacije za podnošenje zahtjeva i projekata po Programu ruralnog razvoja za 2022. godinu mogu se dobiti u Ministarstvu za privredu Bosansko-podrinjskog kantona Goražde na telefon broj:038/227-857 i 038/243 106.

**MINISTAR**

**Haris Salković**